

Ո Ր Ո Շ ՈՒ Մ ԹԻՎ – 320
վարչական տույժ նշանակելու մասին

12 դեկտեմբերի 2018թ.

ք. Երևան

ՀՀ պետական եկամուտների կոմիտեի իրավաբանական վարչության պետ Արման Մնացականյանս, քննելով Արտյոմ Սմբատի Բագարյանի վերաբերյալ նյութերը,

Պ Ա Ր Զ Ե Ց Ի՝

2018 թվականի հոկտեմբերի 25-ին ՀՀ ՊԵԿ ՆԱՎ աշխատակիցները Բագրատաշենի մաքսային կետում տեղադրված տեսախցիկների միջոցով նկարված տեսաձայնագրությունների ուսումնասիրությունից պարզել են, որ Թուրքիայից ժամանած և խորը զննման անգարի մոտ կայանված <<Mercedes>> մակնիշի, 08EP806 հաշվառման համարանիշի ավտոբուսի ուղևոր Արտյոմ Բագարյանը, վերցնելով մաքսային հսկողության չենթակված երկու արկղ, արագ մոտեցել է մաքսային կետի ցանկապատին և դրանք նետել մաքսային կետի տարածքից դուրս: Արտյոմ Բագարյանի հետ բացատրական աշխատանքներ տանելուց հետո նա ներկայացրել է իր կողմից առանց հայտարարագրման և առանց մաքսային մարմնի թույլտվության մաքսային հսկողության տարածքից դուրս բերված ապրանքները, որոնց զննման արդյունքում հայտնաբերվել է 21.5 կգ քաշով 62 տուփ հարդարաջուր:

Փաստի առթիվ Արտյոմ Բագարյանի նկատմամբ ՀՀ մաքսային օրենսգրքի 203-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, իսկ 21.5 կգ քաշով 62 տուփ հարդարաջուրը վերցվել և ի պահ է հանձնվել <<Ձյունիկ Տերմինալ>> ՍՊ ընկերության մաքսային պահեստ:

Արտյոմ Բագարյանը 2018թ. նոյեմբերի 9-ին հրավիրվել է ՀՀ ՊԵԿ հետաքննության վարչություն վարչական գործի վարույթին մասնակցելու նպատակով, սակայն չի ներկայացել:

ՀՀ «Փորձագիտական կենտրոն» պետական ոչ առևտրային կազմակերպության փորձագետի 16.11.2018թ. թիվ 80001810 եզրակացության համաձայն՝ փորձաքննությանը ներկայացված 21.5 կգ քաշով, 62 տուփ հարդարաջրի շուկայական արժեքը 2018 թվականի հոկտեմբերի 25-ի դրությամբ կարող էր կազմել 267.000 ՀՀ դրամ:

ԵԱՏՄ մաքսային օրենսգրքի 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: Մաքսային հայտարարագրումն իրականացվում է գրավոր և (կամ) էլեկտրոնային եղանակով:

ԵԱՏՄ մաքսային օրենսգրքի 105-րդ հոդվածի համաձայն՝ մաքսային ընթացակարգերով ձևակերպելիս, բացառությամբ <<մաքսային տարանցում>> մաքսային ընթացակարգի, մաքսային մարմին է ներկայացվում ապրանքների մասին հայտարարագիր: Օրենսգրքի 110-րդ հոդվածի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն օրենսգրքով սահմանված այլ

ժամկետում: Միության մաքսային տարածքից արտահանվող ապրանքների մասին մաքսային հայտարարագիրը ներկայացվում է մինչև Միության մաքսային տարածքից դրանց մեկնումը, եթե սույն Օրենսգրքով այլ բան սահմանված չէ: ԵԱՏՄ մաքսային օրենսգրքի 2-րդ հոդվածի 7-րդ կետի համաձայն՝ հայտարարատուն այն անձն է, որը հայտարարագրում է ապրանքներ կամ որի անունից հայտարարագրվում են ապրանքներ, իսկ 35-րդ կետի համաձայն՝ մաքսային հայտարարագրումը մաքսային մարմնում մաքսային հայտարարագրի միջոցով ապրանքների վերաբերյալ տեղեկությունների, ընտրված մաքսային ընթացակարգի վերաբերյալ եւ (կամ) ապրանքների բացթողման համար անհրաժեշտ այլ տեղեկությունների հայտագրումն է:

ԵԱՏՄ մաքսային օրենսգրքի 83-րդ հոդվածի համաձայն՝ որպես մաքսային ընթացակարգերով ձևակերպվող ապրանքների հայտարարատու կարող է հանդես գալ՝ անդամ պետության անձը՝ որն օտարերկրյա անձի կետ կնքված այն գործարքի կողմերից է, որի հիման վրա ապրանքները տեղափոխվում են Միության մաքսային սահմանով, որի անունից և (կամ) որի հանձնարարությամբ կնքվել է նշված գործարքը, որն ունի ապրանքների տիրապետման, օգտագործման և (կամ) տնօրինման իրավունք, եթե ապրանքները Միության մաքսային սահմանով տեղափոխվում են այն գործարքի շրջանակներից դուրս, որի կողմերից մեկն օտարերկրյա անձ է, որը Միության մաքսային տարածքում գտնվող օտարերկրյա ապրանքների մասով օտարերկրյա անձի կամ անդամ պետության անձի հետ կնքված գործարքի կողմերից է: Օրենսգրքի 84-րդ հոդվածի 2-րդ կետով սահմանված են հայտարարատուի պարտականությունները, այն է՝ կատարել ապրանքների մաքսային հայտարարագրում, մաքսային մարմին ներկայացնել մաքսային հայտարարագրում հայտագրված տեղեկությունները հաստատող փաստաթղթեր, ներկայացնել հայտարարագրվող ապրանքները և վճարել մաքսային վճարները, իսկ 3-րդ կետի համաձայն հայտարարատուն անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ հայտագրելու, ինչպես նաեւ մաքսային ներկայացուցչին անվավեր, այդ թվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

Պարզելու համար, թե որքան է կազմել 21.5 կգ քաշով, 62 տուփ հարդարաչրի մաքսային արժեքը, չվճարված մաքսային վճարների չափը, ինչպես նաև առանց հայտարարագրման ՀՀ մաքսային սահմանով տեղափոխման դեպքում առաջացել են ոչ սակագնային միջոցներ չկիրառում, թե ոչ, 12.12.2018թ. գրությամբ հարցում է կատարվել ՊԵԿ մաքսային հսկողության վարչություն, որտեղից ստացված 12.12.2018թ. գրության համաձայն՝ 2018 թվականի հոկտեմբերի 25-ի դրությամբ ոչ ԵԱՏՄ անդամ երկրներից ՀՀ ներմուծված 21.5 կգ քաշով, 62 տուփ հարդարաչրի մաքսային արժեքը կազմել է 208.920 ՀՀ դրամ, իսկ մաքսային վճարները՝ 44500 ՀՀ դրամ (ԱԱՀ) և 13580 ՀՀ դրամ (մաքսատուրք): Նշվել է նաև, որ հարդարաչրի ներմուծման դեպքում չեն կիրառվում ոչ սակագնային կարգավորման միջոցներ:

Արտյոմ Բագարյանը 2018թ. դեկտեմբերի 12-ին հրավիրվել է ՀՀ ՊԵԿ հրավաքանական վարչություն վարչական գործի քննությանը մասնակցելու նպատակով, սակայն չի ներկայացել:

Այսպիսով, նյութերով պարզվել է, որ 2018 թվականի հոկտեմբերի 25-ին ՀՀ քաղաքացի Արտյոմ Բագարյանը առանց հայտարարագրման ՀՀ մաքսային սահմանով տեղափոխել է 267.000 ՀՀ դրամ արժողության, 21.5 կգ քաշով, 62 տուփ հարդարաջուր, այսինքն՝ Ա.Բագարյանը թույլ է տվել ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ նախատեսված մաքսային կանոնների խախտում, այն է՝ ՀՀ մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում առաջանում է մաքսային վճարների պակաս հաշվարկում կամ չհաշվարկում, ինչը հիմնավորվում է մաքսային կանոնների խախտման վերաբերյալ կազմված արձանագրությամբ, փորձագետի 16.11.2018թ. թիվ 80001810 եզրակացությամբ և ՀՀ ՊԵԿ մաքսային հսկողության վարչության 12.12.2018թ. գրությամբ:

Վերոգրյալի հիման վրա և ղեկավարվելով ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ, 206 և 221-րդ հոդվածներով,

Ո Ր Ո Շ Ե Ց Ի՝

1. Արտյոմ Բագարյանին (ծնված՝ 12.03.1996թ., ՀՀ, ք. Գյումրի, փող. Սևյան 12 տան բնակիչ, անձնագրի համարը BA3204859) ճանաչել զանցառու ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ և նրան տուգանել առանց հայտարարագրման ՀՀ մաքսային սահմանով տեղափոխված 21.5 կգ քաշով, 62 տուփ հարդարաջրի չհաշվարկված մաքսային վճարների 50 տոկոսի չափով՝ 29040 ՀՀ դրամ:

2. Որոշման մասին հայտնել Ա.Բագարյանին՝ պարզաբանելով, որ այն կայացնելուց հետո 10-օրվա ընթացքում կարող են բողոքարկել վերադաս մաքսային մարմին (ՀՀ ՄՕ 222-րդ հոդվածի 2-րդ մաս) կամ ՀՀ Վարչական դատարան 2 ամսվա ընթացքում (ՀՀ Վարչական դատավարության օրենսգրքի 72-րդ հոդվածի 1-ին մասի 1-ին կետ):

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՅԱԿԱՆՅԱՆ